



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FE-223, FA-V12	23/206

SØKNAD OM BYGDEUTVIKLINGSMIDLAR TIL KURS I REGI AV VAKSDAL OG MODALEN HUNDEKLUBB

Kommunedirektøren sitt framlegg til vedtak:

Vaksdal og Modalen hundeklubb, v/ Wenche Mari Helle, får tildelt kr. 10 000,- i bygdeutviklingsmidlar til gjennomføring av to aktivitetskurs for hund, høvesvis kurs i blodspor og «rallykurs».

Tilskotet vert løyvd som eit fast beløp, og utgjør 71 % av budsjetterte kostnader på kr. 14 000,-.

Heile tilskotet skal nyttast til å finansiere deltakaravgifta med bakgrunn i kostnadane ved leige av instruktørar, inkludert reiseutgifter.

Tilskotet skal nyttast slik at ungdom under 18 år får ei lågare deltakaravgift enn andre. Det skal ikkje gjerast forskjell i deltakaravgift mellom medlemmar og ikkje medlemmar av klubben.

Tilskotet vert betalt ut etter sluttrapport med kostnadsdokumentasjon.

Saksframstilling:

Samandrag/konklusjon (kort om saka)

Vaksdal og Modalen hundeklubb søker om bygdeutviklingsmidlar til å gjennomføre aktivitetskurs for hund (blodspor og «rallykurs»). I dette høvet vert det søkt om delfinansiering av deltakaravgifta for å stimulere til deltaking.

Bygdeutviklingsutvalet har kr. 500 000,- i tilskotsmidlar til fordeling etter søknad i 2023. Midlane skal nyttast til ålmennyttig føremål i bygdene i Vaksdal kommune, med vekt på opplevingar og aktivitetar, jf. gjeldande retningslinjer. Her er vurderinga at tiltaka det vert søkt om midlar til, fell innanfor føremålet.

Kommunedirektøren gjer framlegg om å løyve inntil kr. 10 000,- i tilskot for å redusere kursavgifta til deltakarane, jf. saksutgreiing.

Bakgrunn for saka

Bygdeutviklingsmidlane skal nyttast til føremål som fremjar initiativ, aktivitetar og opplevingar i bygdene i Vaksdal kommune, og kome mange til gode.

Bygdeutviklingsutvalet har kr. 500 000,- til fordeling i 2023. Utvalet fordeler midlane på bakgrunn av innkomne søknadar og gjeldande retningslinjer, etter innstilling frå Kommunedirektøren. «Mars-omgangen» er den første av to tildelingsrundar.

I søknad av 08.02.23 søker Vaksdal og Modalen hundeklubb, v/ Wenche Mari Helle, om tilskot til to aktivitetskurs, høvesvis kurs i blodspor og «rallykurs», med plass til 6 deltakarar per kurs. Det skal nyttast kvalifiserte instruktørar, og kostnadane med kursa er budsjettert til følgjande:

• Honorar til instruktørar, kr. 5000,- per kurs	: kr. 10 000,-
• <u>Utgifter til køyring, kr. 2000,- per kurs</u>	: kr. 4 000,-
• SUM	: kr. 14 000,-

Oppgjevne summar gjev kr. 1 166,- i kostnader per deltakar.

Hundklubben legg opp til følgjande deltakaravgifter:

- Kr. 1 500,- for medlemmer
- Kr. 1 800,- for andre

Arrangøren ønskjer å få til ei finansiering som gjer at ein kan tilby ungdom under 18 år, gratis kurs.

Det går fram av søknaden at hundklubben vart starta opp att i 2022, etter å ha vore ute av drift i mange år. Intensjonen framover er å fremje engasjement og aktivitet i regi av klubben, mellom anna ved å arrangere temakvelder og kurs. Interessa kring hundehald i kommunen er stor, og mange har hund. I dette høvet ønskjer klubben å vere eit aktuelt samlingspunkt, ved å tilby interessante tilbod, spesielt med fokus på ungdom og hund. Her vil eit tilskot frå bygdeutviklingsutvalet kome godt til nytte, i følgje søkjar.

Det vi bli gjennomført dugnadsarbeid (eigeninnsats) ved gjennomføring av kursa.

Formelt grunnlag

- «Retningslinjer for tilskot til bygdeutvikling», vedtekne 26.05.20.
<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar

Søknaden vert funnen tilstrekkeleg opplyst for å kunne gjennomføre sakshandsaming i høve til retningslinjene.

Føremålet med bygdeutviklingsmidlane er å fremje gjeremål og aktivitet, lokalt, i regi av lag og organisasjonar med fleire. I dette høvet finn Kommunedirektøren at ei delfinansiering av planlagde kurs, er innafor dei føremåla som midlane skal stimulere til. I tillegg seier retningslinjene at det kan gjevast tilskot til kompetansehevande tiltak, som kurs og liknande.

Den store interessa for hund og hundehald i kommunen, gjev grunn til å tru at «mange» kan vere interesserte i å delta på planlagde kurs, og at både behovet og nytteverdien er til stade. Tilbodet vil kunne femne breitt geografisk, ved å samle deltakarar frå mange bygder, uavhengig kor ein bur. Elles ser Kommunedirektøren positivt på at drifta av hundklubben er teken opp att, med planlagd

aktivitet. Gjennomføring av kursa det vert søkt om tilskot til, kan soleis vere med å utvikle drifta og tilbodet vidare.

Kommunedirektøren gjer framlegg om å løyve inntil kr. 10 000,- i tilskot til å gjennomføre aktivitetskurs, med inntil 6 deltakarar per kurs, for å redusere kursavgifta til dei som deltek. Dette for å stimulere til deltaking, med spesielle vekt på ungdom. Det vert difor sett som vilkår at tilgjengelege tilskotsmidlar vert nytta slik at deltakarar under 18 år får ei sterkare rabattering enn andre. Vidare skal det ikkje gjerast skilnad i deltakaravgift mellom medlemar og ikkje medlemar av klubben.